



Broj: 01-02-2921/23  
Sarajevo, 24.10.2024. godine

**DOM NARODA PARLAMENTA FEDERACIJE BIH**

n/r gospodina Tomislava Martinovića, predsjedavajućeg  
n/r gospodina Slađana Ilića, potpredsjedavajućeg  
n/r gospodina Nezima Alagića, potpredsjedavajućeg

**PREDMET: PRIJEDLOG ZAKONA O UNUTRAŠNJOJ TRGOVINI**

U skladu sa članom 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na 14. redovnoj sjednici, održanoj 22. i 23.10.2024. godine, usvojio Prijedlog Zakona o unutrašnjoj trgovini, sa 7 amandmana Vlade Federacije BiH i 12 amandmana koje je Vlada Federacije BiH prihvatila, pa su postali sastavni dio Prijedloga ovog Zakona.

**Amandmani Vlade Federacije**

**Amandman I**

U članu 18. Prijedloga Zakona o unutrašnjoj trgovini iza stava (9) dodaju se novi slavovi (10) i (11), koji glase:

(10) Iznimno, na prijedlog gradskog/općinskog vijeća Vlada Federacije Bosne i Hercegovine može donijeti odluku kojom se određuje da prodajni objekti na teritoriji grada/općine mogu biti izuzeti od odredbi stavova (1), (2) i (3) ovog člana.

(11) Prijedlog iz stava (10) ovog člana dostavlja se Vladi Federacije Bosne i Hercegovine putem Federalnog ministarstva trgovine.

**Amandman II**

U članu 3. Prijedloga Zakona o unutrašnjoj trgovini u stavu (1) u tački h) iza riječi „prodajni objekat“ briše se riječ „(šand)“, tako da se član 3. stav (1) tačka h) mijenja i sada glasi:

h) prodajno mjesto je prodajni objekat ili drugo mjesto van prodajnog objekta, na kojem je predviđeno i odobreno obavljanje prometa, u skladu sa zakonom i drugim propisima,

**Amandman III**

U članu 3. Prijedloga Zakona o unutrašnjoj trgovini u stavu (1) u tački j) iza riječi "određeni zakonima" dodaju se riječi „ili odlukom nadležnog organa,“, tako da se član 3. stav (1) tačka j) mijenja i sada glasi:

j) praznici su svi praznici određeni zakonima ili odlukom nadležnog organa, kojima se uređuju praznici i neradni dani, te način njihovog obilježavanja i praznovanja u Federaciji BiH,

25. X 24 / f. ković

#### **Amandman IV**

U članu 7. Prijedloga Zakona o unutrašnjoj trgovini u stavu (2) iza riječi „diskriminacije“ dodaju se riječi „vezano za“, tako da se član 7. stav (2) mijenja i sada glasi:  
Zabranjen je svaki oblik diskriminacije vezano za uslove za obavljanje trgovine ili narušavanje ravnopravnosti trgovaca na tržištu.

#### **Amandman V**

U članu 21. Prijedloga Zakona o unutrašnjoj trgovini u stavu (1) iza riječi "fizički" dodaju se riječi „ili vidno“, tako da se član 21. stav (1) mijenja i sada glasi:  
Ako trgovac u prodajnom objektu za prodaju robe na malo ispunjava uslove po posebnom propisu da, pored trgovinske, obavlja i neku drugu djelatnost, odnosno da obezbijedi zadovoljavanje drugih potreba potrošača, prostor namijenjen toj djelatnosti mora biti fizički ili vidno odvojen od dijela prodajnog objekta namijenjenog obavljanju trgovinske djelatnosti.

#### **Amandman VI**

u članu 42. Prijedloga zakona o unutrašnjoj trgovini u stavu (1) iza riječi "kiosk" dodaju se riječi „kao prodajni objekat“, te iza riječi "objekat" dodaju se riječi „u kojem se prodaje ograničen asortiman proizvoda“, tako da se član 42. stav (1) mijenja i sada glasi:  
Kiosk, kao prodajni objekat, je prodajni objekat u kojem se prodaje ograničen asortiman proizvoda, koji po svojim karakteristikama omogućava ulazak i kretanje kupaca, a može biti industrijski proizveden objekat ili drugi montažni objekat izgrađen u skladu sa urbanističkim uslovima.

#### **Amandman VII**

U članu 46. Prijedloga Zakona o unutrašnjoj trgovini iza riječi "kiosk" dodaju se riječi „kao prodajno mjesto,“, tako da se član 46. mijenja i sada glasi:  
Kiosk, kao prodajno mjesto, je prodajno mjesto u kojem se prodaje ograničen asortiman proizvoda, i to kroz odgovarajući otvor na kiosku, bez ulaska kupca u kiosk.

### **Amandmani koje je Vlada Federacije prihvatila**

#### **Amandman I**

U Prijedlogu Zakona o unutrašnjoj trgovini, u članu 2. nakon riječi "adolescenata" dodaje se tačka.

#### **Amandman II**

U članu 3. nakon riječi "otvoreni za kupce" se dodaje zarez. U istom članu se nakon riječi "praznovanja u Federaciji BiH" dodaje zarez.

#### **Amandman III**

U članu 8. riječi "poslovnim moralom" mijenjaju se riječima "poslovnom etikom".

#### **Amandman IV**

U članu 20. stav (4) nakon riječi "godina" dodaje se tačka.

#### **Amandman V**

U članu 28. u stavu (1) nakon riječi kiosk dodaje se zarez. U istom stavu nakon riječi stovarište dodaje se tačka.

#### **Amandman VI**

U članu 50. u stavu (7) se nakon riječi (engl. "dropshipping") briše zarez i dodaje tačka.

### **Amandman VII**

U članu 56. se riječi "cigarete" mijenjaju u "duhan i duhanske proizvode".

### **Amandman VIII**

U članu 104. u stavu (2) nakon riječi "fakture" dodaje se zarez. U istom stavu nakon riječi "otpremnice," briše se "fakture," tako da stav (2) sada glasi:

Evidencija o kupovini robe void se na osnovu facture ili otpremnice ili dostavnice ili prijemnice odnosno drugog dokumenta o kupovini robe.

### **Amandman IX**

U članu 104. u stavu (3) riječ "odgovarajućeg" se mijenja u "odgovarajuće". U istom stavu riječ "računa," se briše.

### **Amandman X**

U članu 104. u stavu 2. riječi „fakture otpremnice, fakture, dostavnice i prijemnice odnosno drugog dokumenta o kupovini robe“ mijenjaju se riječima „fakture ili otpremnice ili dostavnice ili prijemnice odnosno drugog dokumenta o kupovini robe“.

U istom članu, u stavu 5. riječi „otpremnice, dostavnicu, račun i slično“ mijenjaju se riječima „otpremnice ili dostavnicu ili račun i slično“.

### **Amandman XI**

U članu 105. u stavu 3. riječi „dostavnica, prijemnica, radni nalog, narudžbenica, revers i drugo.“ mijenjaju se riječima „ili dostavnica ili prijemnica ili radni nalog ili narudžbenica ili revers i drugo.“

### **Amandman XII**

U članu 48. iza stava (2) dodaje se novi stav (3) koji glasi:

“(3) Zabranjuje se prodaja alkoholnih pića, duhanskih proizvoda i drugih proizvoda koji su zakonski ograničeni za prodaju maloljetnim osobama koja se obavlja u trgovini na malo izvan prodajnih objekata na način naveden u članu 45. stav (1) tačka h) ovog Zakona.”

Dostaviti:

- naslovu
- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem Predstavničkog doma
- potpredsjedavajućim Predstavničkog doma
- sekretaru Doma naroda
- službi Doma naroda
- sekretaru Predstavničkog doma
- službi Predstavničkog doma
- službi za izradu izvornika
- a.a.

